



BRZI ODGOVOR Simulacija talačke krize na Sarajevskom aerodromu

Timovi EUFOR-a, SIPA-e i Granične policije uspješno savladali teroriste

Scenarij vježbe predvidio i razmjenu vatre između terorista i policijskih snaga, pri čemu je „ranjeno“ nekoliko osoba

Na Sarajevski aerodrom stigla je dojava da se u jednoj prostoriji nalazi grupa terorista s velikom količinom oružja te da drže taoce i prijetite da će ih pobiti. Na scenu su stupili pregovarački timovi.

Ispunjeni uvjeti

- Pustite taoce, nemojte ih povrijediti, uvjeti će vam biti ispunjeni – obraćao se jedan od pregovarača na megafon teroristima.

Krizni štab potom je donio odluku da specijalci upadnu unutra radi likvidacije terorista. Uslijedila je razmjena vatre između terorista i policijskih snaga, pri čemu je ranjeno nekoliko osoba. Ekipe Hit-

Ranjenici su evakuirani helikopterom (Foto: M. Kadrić)



„Brzi odgovor 2017“ je vježba za operacije podrške miru, pod vodstvom EUFOR-a, a održava se do 15. oktobra u Sarajevu, Pazariću i Kalinoviku

ne pomoći brzo se pojavila na licu mjesta, ukazala prvu pomoć ranjenima, koji su potom prebačeni helikopterom u medicinsku ustanovu.

Bio je to scenarij pokazne vojne vježbe - simulacije talačke situacije u okviru „Brzog odgovora 2017“ održane na Međunarodnom aerodromu Sarajevo. U vježbi su učestvovali jedinice EUFOR-a, Granične policije

(GP) BiH, Državne agencije za istrage i zaštitu (SIPA), Spasilačko-vatrogasna služba Aerodroma Sarajevo i Hitna medicinska pomoć.

Zapovjednik EUFOR-a, generalmajor Anton Waldner (Waldner) pohvalio je dobru saradnju sigurnosnih agencija te naglasio da je ova vježba pokazala spremnost i volju za saradnjom agencija čiji su službenici u njoj učestvovali.

Dobra saradnja

- Vježbe provodimo na više lokacija, a pored talačkih kriza, vježbamo i skladištenje municije te evakuiranje civila. Impresioniran sam svime što su pripadnici sigurnosnih agencija pokazali proteklih dana - rekao je Waldner.

E. TRAKO

